

雲左山房詩鈔

雲左山房詩鈔卷六

侯官林則徐少穆

戲題團扇

雲樣新紈月樣裁清風原自一團來問誰摺疊韜奇製顛倒隨人合更開

短柄輕移掌握中庾塵還與背西風敬亭自寫閒雲態不待家
家畫放翁

乙未在吳張同莊明府

珍臬

出蘿月聽詩圖冗中僅題額

應之辛丑重晤武林則余亦有荷戈之役矣率成誌感
謫宦東歸已十秋玉關懷舊感西州從戎大漠追狐尾惜別將

軍揖馬頭詩夢俄驚梁月墮邊心遙逐塞雲愁誰知卷裏濡毫
客垂老憑君問戍樓

滕王閣懷古二首

元武弓刀血未乾洪都飛閣此流丹封桐縱領江山勝煮豆遙
悲骨肉殘再世風流傳畫蝶幾年歌舞罷鳴鸞永徽顯慶匆匆

換昔人嘗考閣建於永徽至顯慶間都督大會賓客相距數年耳華構難留帝子看

對策髫齡拜省郎早推健筆冠三王指瑕曾薄顏師古宿構空
嗤吳子章傑句能令山鬼唱沈魂永恨海波揚奇才若道陽侯
忌何事江風送馬當

同莊贈詩六章次余題蘿月圖韻復疊前韻答之并謝武

林諸君贈行詩冊

唱徹陽關萬里秋借書還爲說三州

同莊以和秦菴尙書在伊犁著三州輯略藥本借余

出幾人絕域逢青眼

同莊詩有不圖絕域逢青眼得放羈臣出一頭之句

前度歸程羨黑

頭

君入關時年四十五不信玉門戍長道欲傾珠海洗邊愁臨歧極目仍

南望盤氣連雲正結樓

惜別羣公各感秋酒痕襟上話杭州傳書犬欲尋黃耳瞻屋烏

難換白頭相送莫貽臨賀累有心都寄夜郎愁追談往事還西

笑多少羈臣出節樓

張仲甫舍人聞余改役東河以詩志喜因疊寄謝武林諸

君韻答之

一舸浮江木葉秋傳聞飛鵲過揚州

太白流夜郎半道赦回書懷詩云萬舸此中來連帆

過揚州送此萬里目曠然散我愁又云五色雲間鵲飛鳴天上

來傳聞赦書至卻放夜郎回與余今日揚州得

旨情事正

合自羞東障難爲役漫笑西行不到頭供奉更吟中道放杜陵

猶想及關愁故人喜意看先到高唱君家八咏樓

尺書來訊汴隄秋歎息滔滔注六州

時豫省之開歸陳皖省鴻之鳳潁泗六屬被淹

雁哀聲流野外魚龍驕舞到城頭誰輸決塞宣房費况值軍儲

仰屋愁江海澄清定何日憂時頻倚仲宣樓

喜桂丹盟

超萬

擢保定同知寄賀以詩並答來書所詢近

狀卽次見示和楊雪萊原韻

枳棘頻年厄鳳鸞直聲今果報遷官有人門上嗟生莠從此河

千重伐檀

君在直忤上官幾遭不測今
官局忽更乃推河工要職

鷹隼出塵前路迴豺狼

當道惜身難頭銜冰樣清如許露冕從容父老看

秦臺舞罷笑孤鸞白髮飄零廿載官半道赦書慚比李

遣戍玉
關蒙

恩放回于役東河略
似太白流夜郎故事

長城威略敢論檀石銜精衛填何及浪

鼓馮夷挽亦難我與波斯同皺面盈盈河渚帶愁看

題陳登之罷讀圖

安昌堂後見趨庭瓶水浪浪舊聽經畢竟清芬傳吏譜難忘書

味一燈青

又題暨陽書院輩學齋譚藝圖

通儒偏以入貲仕罷讀一圖戲之耳政成始信吏果儒風流乃

見譚藝圖申浦君山足文藻况有經師富按討元禮龍門十九

年

申耆李先生自癸未歲主講暨陽十九年矣

藝也駸駸進乎道得君敷衽與論心

挾摘經腴粃穰埽司校誰顧愷之並肩復有劉知幾作客誰俞
紫芝大毛公來同說詩一時千里德星聚縱論直空上下古揮
塵齊翻舌本瀾執經爭聽沙中雨

國朝經術古豈侔諸君砥厲追前脩弗尙談天雕龍炙轂輶豈
驚槌碎黃鶴踏翻鸚鵡洲學祧漢宋仕則優

盛時宏獎皆風流君能造士期拔尤萬閒之廈千丈裘請與圖
中主客努力俱千秋

題鄒鍾泉觀察

鳴鶴

開封守城記略後

狂瀾橫決趨汴城城中萬戶皆哭聲孤城障水城垂傾危哉公
以赤手擎是時在官同震驚民謂非公吾不生撫部牛公洞興
情授公郡符安編氓公所自信惟一誠死守誓與陽侯爭肝膽
披瀝通幽明億兆命重身家輕禦水難於禦暴兵四圍激鬪鋒
莫撓城頭白日游赤鯨麗譙夜聽蛟鼉鳴公親礮鼓喧軍鉦衣
不解帶巡嚴更始焉搯菱刈榛荆繼下輒石聲旬旬連旬苦雨
不肯靖上淋下潦溝澮盈萬難之際彌專精焚香告天心自盟
峭坡斜堰高崢嶸逼走急溜開中泓厯伏秋汎及霜清寢食於
城城可嬰渡民避水舟筏迎濟饑餉飭兼粥餉全活老穉蘇鰥
惇

帝命塞決頒水衡負薪我亦辭西征

余謫戍塞外未行到時奇改命河工効力

險亦稍平見此巨浸猶怦怦是冬鳩工依定程河由地中順軌
行奈何羣議紛縱橫欲遷洛邑重經營咄哉此論乖輿評三詔
奚必同盤庚疏議六條真恢闔讜言傾倒諸公卿舊德先疇居
永貞斯城仍恃衆志成汴民困久茲乃亨躋彼公堂稱兕觥繡
衣遷秩豈足爲公榮重是循良千載垂令名

○壬寅二月祥符河復仍由河干遣戍伊犁蒲城相國涕泣
爲別愧無以慰其意呈詩二首

幸瞻鉅手挽銀河休爲羈臣悵荷戈精衛原知填海悞蛟蟲早
愧負山多西行有夢隨丹漆東望何人問斧柯塞馬未堪論得

失相公且莫涕滂沱

元老憂時鬢已霜
吾衰亦感髮蒼蒼
餘生豈惜投豺虎
羣策當思制犬羊
人事如棋渾不定

君恩每飯總難忘
公身幸保玉鉤重
寶劍還期

賜尙方

次韻潘功甫舍人見贈三首

昨歲秋風滯穗城
投荒已合辦西行
經年卻借江淮路
過客尤慚父老情
萬里鷗波看浩蕩
一天雁字任縱橫
眞人示我真靈偈
爲洗前塵水月明

往日蝨蚊強負山
偶從合浦見珠還
謬期手挽波瀾住
不管身

纏坎壤閒四海無垠誰共障

九重有命為局關積中龜玉知臣罪敢道升沈付等閒

雪窖冰天亦壯游舟山市且消愁來詩云鍊心莫逐舟山千動絕口無談海市橫

秋不壞談何易來詩又有要作千八字真言諦可求承教以退思養素藏

密歸真盡寫黃庭授丹訣應教赤肚禮蓬頭皆巢枯來詩及註中宗帽小浮

山下勞延佇欲發征橈又少留

又次韻五言一首

閉戶邴根矩賞音鍾子期鏡看大圓裏鍼記定西時用來詩及自註語

最感夔蛟愛奚煩蛩蛭為迹疏神密處珍重數篇詩

西行過洛葉小庚招入衙齋並贈兩詩次韻奉答

連圻曾愧領班僚詎有涓埃答

九霄謫宦敢辭投雪窖捷書猶冀靖天驕他年馬角誰能料前
度雞竿已暫邀猶喜宣房差不負汴城昏墊幸全消

君是蒼生託命身親從東洛見經綸欣依廣廈歌烏屋豫計歸
程盼雁臣翦紙招魂詩憶杜留賓投轄座驚陳贈言更切河梁
感生別天涯字字真

小庚邀集千祥菴疊僚字韻奉謝

放衙餘暇款賓僚紫蓋朱幡倚絳霄不謂西飛鴻羽過也隨東
道馬蹏驕三唐樂石奇同訪九老香山會許邀正是洛濱脩禊
後綠波春水恐魂消

連日對飲怡園讀天籟軒詞復次身字韻

治譜詞章已等身遊宜躡屐釣垂綸名花種種關農事喬木森
森感世臣小令敲成聲律細醕醪釀出色香陳他時落月思顏
色關塞楓林夢是真

華陰令姜海珊

申璠

招余與陳賡堂

堯書

劉聞石

建韶

同

游華山歸途賦詩奉柬

神君管領金天嶽坐對三峯看未足公餘喜共客登臨恰我西
行來不速櫻筍廚開浴佛時暫輟放衙事休沐灝靈宮殿訪碑
行華嶽廟舊名灝靈宮華嶽麓有楊氏園林
昨於廟中同觀石刻清白園林對牀宿題曰清白別墅游山
前一夕凌晨天氣半陰晴晝永無煩宵秉燭竹杖芒屨結儔侶
宿此

酒榼茶鐙付僮僕雲夢觀裏約乘雲玉泉院中聞漱玉同儕各
挾濟勝具初陟坡陀踵相續嶂疊峯迴路忽窮誰料重關在山
曲微徑蜿蜒蝟旋磨絕磴攀躋鮎上竹箭鏃依稀王猛臺丹砂
隱現張超谷莎蘿坪與青柯坪小憩聊尋道書讀過此巉巖愈
危絕鐵鎖高垂手難觸五千仞峻徒窘步十八盤經猶駭目恨
無謝朓驚人詩恐學昌黎絕頂哭游人到此怪山靈奇險逼人
何太酷豈知山更怪人頑無端蹴踏穿其腹茲山峭拔本天成
但以骨挺不以肉呼吸真教帝座通避趨一任人閒俗如君超
詣迴出塵上感嶽神造民福盪胸自有層雲生秀語豈徒奪山
綠希夷石峽應重開

謂唐

海蟾仙菴亦堪築

劉海蟾脩煉於華山借謂聞石獨

漸塞外荷戈人何日陰崖結茅屋惟期歸馬此山陽遙聽封人
上三祝

題陳登之暨陽瑞麥圖

此瑞豈浪致漁陽今暨陽氣兼四時淑雲倍隔年黃久憫輸租
苦新欣說餅香爾農亦何幸天爲勸循良

次韻答宗滌樓

稷辰

贈行

豈爲一身惜將如時事何綢繆空牖戶涓滴已江河軍盡驚飛
鎬人能議止戈華嚴誦千偈信石伏狂魔

昨枉瓊瑤雜馳情到雪山投荒非我獨尋夢爲君還但祝中原
靖奚辭絕塞艱隻身萬里外休戚總相關

次韻答姚春木

時事艱如此憑誰議海防已成頭皓白遑問口雌黃絕塞不辭
遠中原吁可傷感君教學易憂患固其常

次韻答王子壽

相心

太息恬嬉久艱危兆履霜岳韓空報宋李郭或興唐果有元戎
略休爲謫宦傷手無一寸刃誰抬路傍槍

赴戍登程口占示家人

出門一笑莫心哀浩蕩襟懷到處開時事難從無過立達官非
自有生來風濤回首空三島塵壤從頭數九垓休信兒童輕薄
語嗤他趙老送燈臺

見歸田錄

力微任重久神疲再竭衰庸定不支苟利

國家生死以豈因禍福避趨之謫居正是

君恩厚養拙剛於戍卒宜戲與山妻談故事試吟斷送老頭皮

宋真宗聞隱者楊朴能詩召對問此來有人作詩送卿否對曰臣妻有一首云更休落魄耽杯酒且莫猖狂愛詠詩今日捉將官裏去這回斷送老頭皮上大笑放還山東坡赴詔獄妻子送出門皆哭坡願謂日子獨不能如楊處士妻作一首詩送我乎妻子失笑坡乃出

舟兒送過數程猶不忍別詩以示之

三男兩從行家事獨賴汝汝亦欲我從奈爲例所阻

詞臣例不准請假出

關茲來已數程再遠亦何補忍淚臨交衢執手爲汝語汝父雖

衰齡餘勇或可賈平生一念愚艱危輒身許過涉占滅頂坎壈

乃自取斧鑿猶可甘况僅魑魅禦

朝廷寬大恩荷戈赴邊圉天其重要荒吾豈憚行旅行矣勿歎
獻汝歸保門戶汝母久在羸護持慎寒暑知汝素性恬無心戀
圭組仕止隨所遭脩爲力須努語言訥鮮失人事忍爲主我其
歸首邱汝勿忘在莒雖有今日離猶期他日聚豈學謝幾卿枉
赴新亭渚

載書出關

荷戈絕徼路迢遙故紙差堪伴寂寥縱許三年生馬角也須干
卷束牛腰療飢字學神仙煮下酒胸同磈壘澆不改嘯歌出金
石氈廬風雪夜蕭蕭

途中大雪

積素迷天路渺漫蹣跚敗履獨禁寒埋餘馬耳尖仍在灑到烏
頭白恐難空望奇軍來李愬有誰窮巷訪袁安松篁挫抑何從
問縞帶銀盃滿眼看

秋夜不寐起而獨酌

瓦盆半傾餘濁醪我正內熱思冷淘欲眠不眠夜漏永得過且
過寒蟲號肝腸賴爾出芒角俯仰笑人隨桔槔空瓶醉後作枕
臥明日糟牀仍漉糟

和王仲山司馬見贈原韻

昔時蠻徼懷

神謨收取餘皇不待呼旋擬階前舞干羽翻聞海上失蓬壺諸
天孰使狂魔伏歷劫滋慚老衲枯西去逢君羨歸計循陔正寫
樹護圖

繫維曾與永今朝高論空嗟望古遙目斷天南新露布心悲嶺
表舊雲輶才微早與官俱退愁重翻教酒易消別後詩篇頻卻
寄便如老杜贈韋迢

次白水驛得家書彝兒舉一男余初得孫詩以誌喜

此離家室寄長安聞茁孫枝稍自寬撰杖子能供吸菽

彝兒隨余赴成

持門婦恰報徵蘭見兒作父吾知老待汝成人古已難

用范喬語

向崆峒倚長劍咳名頻展賀書看

家人以書來賀適行過崆峒因名之曰賀峒

題富海颺督部富呢揚阿韜光蠟展圖

甲午同游韜光者吳退旃椿程梓庭祖洛陳石士用光

徐廉峯寶善及海颺五人合寫爲圖各藏其一

昔年公作西湖主暇日扁舟弄煙雨清秋况值客槎來恰似奎
躔聚星五湖山深處梵宮開孤嶂岩龕石逕迴一寺偏宜分兩
寺後臺更許勝前臺冷泉亭畔憑欄坐靈隱禪林訪碑過不知
絕磴幾千重約數幽篁十萬个韜光同上莫辭難到頂方知此
大觀嶺樹湖雲沈足底江潮海日上眉端一時賓主東南盛寫
得鬢眉共輝映時平應擬五老圖詩就還爲五君詠物換星移
迹易陳武林回首感前塵吳澄謂退旃程珦梓庭俱移疾徐幹尙書

廉峯陳琳石上侍郎已古人圖中今日惟公健帥節移從秦隴建只

憐舊部去思深望雲不來黃鶴怨爲公寄語韜光菴不妨彌勒
招同龕懶殘芋熟莫開口待將霖雨敷東南

題海颿松陰補讀圖

開府清時傑儒門大雅宗五三經作笥廿八宿羅胸學已山淵
遼源真左右逢九能根夙慧二典翊

時雍卽以忘筌喻奚煩鼓篋從虛懷仍若谷積帙更如墉夢入
琅嬛地奇探委宛峯名編觀卓犖喬木愛葱蘢鄭草階分綠江
花管映彤手披朱露滴口沫墨華濃碧簡驅殘蠹蒼鱗吼老龍
不疲稽古力況對歲寒容謾謾聲如答琅琅興未慵公誠儒者

氣樹合大夫封非闕偏云補惟勤乃益恭笙詩同寄慨袞職兆

登庸從識恢勲業長懷矢靖共集成題一品用足記三冬謫宦

頻相問

余出玉門經秦隴頻叨枉顧

論文不厭重退思增我愧久負故園松

留別海颿

宦蹤離合廿年閒秦隴重逢鬢漸斑前路欲憑詢瀚海

公會爲烏魯木

齊都護

新綸先喜過潼關

夏閒道出潼關聞公擢總制

金天筦鑰兼雙節玉塞烽煙

靖百蠻猶有松陰讀書處早將書舍媿時還

蘭垣節署時還書舍那文毅公所題

節府高樓跨夾城玉泉山色大河聲開筵東閣圖書滿翦燭西

堂鼓角清慷慨論兵忠憤氣殷勤贈別解推情近聞江海銷金

革休養資公翊太平

程玉樵方伯

德潤

餞予於蘭州藩廨之若已有園次韻奉

謝

短轅西去笑羈臣將出陽關有故人坐我名園腸詠樂傾來佳

醞色香陳開軒觀稼知豐歲激水澆花絢古春

小山後有石湫吐水灌入園圃

不問官私皆護惜平泉一記義標新

君自撰園記語多真諦

我無長策靖蠻氛愧說樓船練水軍聞道狼貪今漸戢須防蠶

食念猶紛白頭合對天山雪赤手誰摩嶺海雲多謝新詩贈珠

玉難禁傷別杜司勳

題唐子方觀察

樹義

夢硯圖

硯爲明季贈尙書陳忠愍邦彥所藏子方購於羊城其
尊甫在清遠舟中夢忠愍囑爲收藏

我辭炎州歲辛丑未及端溪訪石友懷中鐵硯劫而黜心欲磨
穿事則否尺筆寸刃不入手草檄飛書復何有硯匣塵封已蒙
垢投筆關門荷戈走舊雨逢君意良厚肝膈交傾話杯酒示我
古硯雲腴剖覲縷因緣歎非偶忠愍所貽屬君受夢魂乃告高
堂叟時在季春日十九市肆售來忘誰某豈知英靈默相誘擇
人而畀待良久路隔珠江與峽口夢硯得硯無先後回想孤忠
昔授首雪聲堂暗悲風吼三十二策空覆瓿石不俱焚獨汝壽
百七十年神鬼守毅魄忠魂隨不朽君能寶此若瓊玖際遇

清時踐台斗判事昔稱民父母草奏今登

帝左右名父之子薪克負明德達人天所屬
籌筆宣毫慎勿苟傳世硯田勝千畝

次韻答陳子茂

德培

棄璞何須惜卞和門庭轉喜雀堪羅頻搔白髮慚衰病猶賸丹
心耐折磨憶昔逢君憐宦薄而今依舊患才多鳳鸞枳棘無棲
處七載蹉跎奈爾何

送我涼州十日程自驅薄笨短轅輕高談痛飲同西笑切憤沈
吟擬北征小醜跳梁誰殄滅中原攬轡望澄清關山萬里殘宵
夢猶聽江東戰鼓聲

將出玉關得解筠前輩自伊犁來書賦此卻寄

與公蹤迹靳從驂絕塞仍期促膝談他日韓非慚共傳卽今彌
勒笑同龕揚沙瀚海行猶滯齧雪穹廬味早諳知是曠懷能作
達只愁烽火照江南

公比鯁生長十年鬢鬢猶喜未皤然細書想見眸雙炯

公年垂七十作

小字不用鬢鬢昨枉來教細書愈爲精妙

故紙難拋手一編

來書云然

僦屋先教煩次道

來示許爲覓屋

攜兒也許學斜川

昔坡公以三子叔黨隨至謫所今公與余各攜少子出關

中原果

得銷金革兩叟何妨老戍邊

有感

脂山無片脂玉門不生玉荒戍幾人家如棋廢殘局

蚊蚋噬我膚塵沙撲我面夜就氈帳眠孤燈閃如電

哭張亨甫

尺素頻從萬里貽吟成感事不勝悲誰知絕塞開緘日正是京
門易簣時狂態次公偏縱酒鬼才長吉悔攻詩脩文定寫平生
志猶訴蒼蒼塞漏卮

雲左山房詩鈔卷六終

雲左山房詩鈔卷七

侯官林則徐少穆

出嘉峪關感賦

嚴關百尺界天西，萬里征人駐馬蹏。
飛閣遙連秦樹直，繚垣斜壓隴雲低。
天山巉削摩肩立，瀚海蒼茫入望迷。
誰道殺函千古險，回看祇見一丸泥。

東西尉候往來通博望，星槎笑鑿空。
塞下傳笳歌敕勒，樓頭倚劍接崢嶸。
長城飲馬寒宵月，古戍盤鵬大漠風。
除是盧龍山海險，東南誰比此關雄。

敦煌舊塞委荒煙，今日陽關古酒泉。
不比鴻溝分漢地，全收雁

積入

堯天威宣貳負陳尸後疆拓匈奴斷臂前西域若非

神武定何時此地罷防邊

一騎纔過卽閉關中原回首淚痕潛棄繻人去誰能識投筆功
成老亦還奪得胭脂顏色澹唱殘楊柳鬢毛斑我來別有征途
感不爲衰齡盼

賜環

塞外雜詠

裨海環成大九州平生欲策六韜游短衣攜得西涼笛吹徹龍
沙萬里秋

雄關樓堞倚雲開駐馬邊牆首重回風雨滿城人出塞黃花真

笑逐臣來

太白句

路出郵亭驛鐸鳴健兒三五道旁迎誰知不是高軒過阮籍如
今亦步兵

攜將兩箇阿孩兒走馬穿林似衮師不及青蓮夜郎去拙妻龍
劍許相隨

沙磧當途太不平勞薪頑鐵日交爭車箱簸似箕中粟愁聽隆
隆亂石聲

天山萬笏聳瓊瑤導我西行伴寂寥我與山靈相對笑滿頭晴
雪共難消

古戍空屯不見人停車但與馬牛親
早旁一飯甘藜藿半咽西風滾滾塵

經丈圓輪引軸長車如高屋太昂
藏晚晴風定舉帷坐似倚樓頭看夕陽

室人賦述懷紀事七古二章以手彙寄余喜成四律卽寄青門

卅年鳬雁鎮相依萬里鶯鶯悵獨飛
生別勝如歸馬革壯游奚肯泣牛衣
祇憐瘦骨支牀久想對殘脂覽鏡稀
忽得詩筒狂失喜珠璣認是手親揮

憶昨薑芽曲未伸每拈筠管苦吟顰
玉鉤出掌能重展

鈞弋夫
人臥病

六年右手拳曲忽於掌
中拔出玉鉤手乃復展
金籀宣毫似有神蘇蕙迴文常觸緒采

鸞寫韻不愁貧述懷紀事無雕飾肺腑傾來字字真

聞向帷堂課女徒一庭絃誦足清娛但傾舊釀樽頻注便許行

吟杖不扶

室人向患骸疾近服藥酒可試步

索和婦能諧競病弄詩孫亦識之

無有時對弈楸枰展瓜葛休嫌一著輸

常與子婦女兒對弈故戲及之

白頭豈復望還童卻病仍資攝衛功老我難辭身集蓼憶卿如

兒首飛蓬近聞詞伯多遷秩且與兒郎作寓公

時京中大考翰詹舟兒未與

農圃耦耕他日願

來詩有他日歸來事農圃之句

不妨廡下賃梁鴻

壬寅臘月十九日嶰筠前輩招諸同人集雙硯齋作坡公

生日此會在伊江得未曾有詩以紀之

中原俎豆不足奇請公乘雲游四夷天西絕塞招靈旗下有荷

戈之人頂禮之公生距今八百有七載

自景祐丙子計至道光壬寅

元精在

天仍爲牛斗箕

生前宿直斗牛箕公自謂也

命宮磨蝎豈公獨春夢都似黃

梁炊粟荒天遣作箕子

天其以我爲箕子要使此意留要荒公在海內詩也

此語足壯羈

臣羈當時天水幅員窄瓊雷地已窮邊陲天低鵲沒山一髮祇

在海南秋水湄

見公詩

豈如

皇輿西控二萬里烏孫突厥悉隸吾藩籬

伊犁在漢爲烏孫唐爲西突厥

若將

壯游較今昔恐公猶恨未得周天涯崆峒之西公所夢恍見小

有通仇池

公詩云似聞崆峒西仇池迤此翁記夢中事也

導公神游合西笑何必南飛

載鶴尋九疑所嗟公身屢徙復遭屏

逐客猶遭屏公在儋耳句

官屋欲飢猶

阻於有司合江之樓白鶴觀居此新宅無多時寄身枕椰啖諸
芋南冠九死真瀕危吾儕今猶託代舍伊江所在憶公倍感皆官屋

皇天慈謫所一生過也得公言曠達真吾師南陽詞人遺云后

鞠臚先製神絃詞懸公大瓢笠屐之遺像誦公羅浮傳記之新

詩公神肯來古伊麗白鹿可跨青牛騎跡獨之冰雪山雪照公

堂堂出峨嵋長松塵洗鶴意遠見公答劉景文以松鶴爲壽詩真有番樂來龜

茲用公聽李委吹笙詩試著紫裘腰笛臨風吹使公空中一笑掀髯髭

又次鄧子期爾願坡公生日原韻時有他感

陽羨求田慕潁箕一場春夢乍醒時無端白鶴新居臥又觸烏

臺舊案詩公在惠州成白鶴新居有縱筆詩報道先生春睡磨

美道人輕打五更鐘執政聞而怒之再謫儋耳

竭命宮嗟黨籍蟄龍泉路引靈旗微生鑒此惟脩拙竈爲懲羹
著意吹

和嶧翁祀竈原韻

歲云莫矣街鼓喧司命宵醉老瓦盆世傳祀竈致富壽漢武早
信方士言丹砂成金許不死少君化去仙奚存見史記封禪書當時傲

吏亦媚竈張忠獨懊明經孫見漢書孫寶傳東坡詩吾方祭竈請比鄰正用寶事後人年

夜踵成例糟餕塗抹乘黃昏妄冀天庭代邀福那知休咎胥由

人見君於煬彌子夢彼如衛鶴徒乘軒陰家子方禱偶應豈真

神嗜羊如羶爾雅羶如羊今反用其語新婦不合語滅竈祇有老婦柴宜燔

湯官甌宰龜下養酣豢每藝明神尊酒殺雜陳恐神吐笑比田

更紛操豚須思豈弟神所勞慶餘積善垂無垠昔賢嘗有不黔
突况我絕塞隨軍屯任人添竈或減竈自著短衣驅短轅燒殘
涇葦灰不起萬里安得踰西崙徙薪曲突付一歎踞觚聽者休
相瞋

除夕書懷

臘雪頻添鬢影皤春醪暫借病顏酡三年飄泊居無定

庚子在嶺南度

歲辛丑在中州河干今又在伊江

百歲光陰去已多漫祭詩篇思賈島畏撾更

鼓似東坡

用坡公守歲詩語

邊氓也唱迎年曲到耳都成勞者歌

新韶明日逐人來遷客何時結伴回空有燈光照虛耗竟無神
訣賣癡歎荒陬幸少爭春館遠道翻爲避債臺骨肉天涯三對

影時挈兩兒在戌思家笑益且銜盃

流光代謝歲應徂天亦無心判菀枯裂碎肝腸憐爆竹借棲門
戶笑桃符新綠幡勝如爭奮晚節冰柯也不孤正是中原薪膽
日誰能高枕醉屠蘇

謫居本與世緣睽青鳥東飛客在西宦味直隨殘臘盡病株敢
望及春黃朝元舊憶趨

丹闕

賜福頻叨溼紫泥新歲儻聞

寬大詔玉關走馬報金雞

書見

僕御搖鞭正指揮忽聞狂吼懾風威前山松徑低迷處無翅牛羊欲亂飛

百里荒程僅一家顏垣半沒亂坡斜無端萬斛黃塵裏偏著一

枝含笑花

塞外土妓
近年始多

和嶰筠立春前一日雪韻

三白祥雲記隔年

舊臘已得
雪三次

報春又綴六花妍釀從解凍條風

裏飛在迎韶綵仗前飄絮卻疑新柳起壓枝還助老松堅人閒多少銷金帳誰似行吟鶴氅仙

又和人日雪詩

誰將玉戲闌春妍姑射神人一笑嬌新粉著衣飄綵勝慘塵鋪

水露冰鮮兜羅綿軟侵階薄頃刻花開抱樹圓禁得嫩寒殘夢
覺倚欄吟想杜樊川

元夕與嶰筠飲遂出步月口占一律

春衣典得買今宵逐客愁懷對酒消踏月吟鞦韆似水遏雲歌
板沸如潮樓前夜市張燈燦馬上蠻兒傅粉嬌試問雙幢開府
日可能恣此兩逍遙

嶰筠贈鶴

不慕高軒足俸錢卻教羈客餉胎仙銜書愛近烏絲格起舞因
聽雁柱絃萬里倦飛雖警露九臬清唳早聞天孤山處士還相
對松下風多且避煙

送伊犁領軍開子捷

開明阿

鼓鼙思帥臣爪牙諷圻父靜以綏中原動以禦外侮致身須壯
年奇勲策天府將軍起長白家世握牙琬鬚亂通鈴韜志行抗
前古讀書慕儒將禮義卽干櫓宿衛屯羽林鉤陳出隨扈西望
崑崙墟百年拓疆宇以君爲長城領軍肅貔虎三載無邊烽華
夷悉安堵帝曰爾來前作股肱心膂絕塞迴輪蹄中流賴砥柱
君感

朝廷恩心肝奉

明主臨別索贈言我欲傾肺腑嗟哉時事艱志士力須努厝薪
火難測亡羊牢必補從來戶牖謀徹桑迫未雨矧當冰檠秋敢

特千羽舞蠶蠶果懾威犬羊庶堪撫將士堅一心詎不揚我武
貂蟬出兜鍪丹青繪圭珪行矣公勉旃黑頭致公輔

哭故相王文恪公

纔錫元圭告禹功公歸遵渚詠飛鴻休休豈屑爭他技蹇蹇俄
驚失匪躬下馬有墳悲董相隻雞無路奠橋公傷心知己千行
淚灑向平沙大幕風

廿載樞機贊畫深獨悲時事涕難禁艱屯誰是舟同濟獻替其
如突不黔衛史遺言成永憾晉卿祈死豈初心黃扉聞道猶虛
席一鑑云亡未易任

調鶴

鄧公畜此鶴隔歲還贈余云與林處士相伴孤山孤我憶廿載
前放鶴臨西湖撒手煙波閒逋仙疑可呼誰知萬里身墜落崑
崙墟中宵一警露垂翅當階除顧影若自惜骨相留清臞昂昂
立雞羣拍拍同鳬趨爲爾拂毛羽弄琴相與娛且誦浮邱經且
飼青田雛南飛得風便重與營巢居

和靖先生巢居閣
余在杭州所築也

籠鵝

長項強於人人謂此鳥傲我喜皎皎姿懷此霜雪操學書雖不
工右軍卻同好世無曇礪邨寫經孰爲報或隨海東青感月來
啄拖啞啞銜尾鳥正聚屋頭噪放爾出樊籠紅掌振高蹈但如
雁翼舒休爲鶴陣譟誰能收蔡州宵鳴雜軍號

放魚

庭前鑿方池土厚苦乏水引泉借轆轤一勺亦清泚放此四鰕

鰕有四鰕似鱸者在伊江爲魚之上品

閒以一尺鯉潑刺出鱗鬣潏潏弄脣齒

藻根觸寒青荇帶暖深紫見影忽走藏甘伏沈淤裏主人那忍
鱸得所逝乃喜非魚知魚樂監水如水止敲枕一聽泉淨滌塵
土耳江湖渺相忘風波或不起

七夕次嶰筠韻

金風吹老鬢邊絲如此良宵醉豈辭莫說七襄天上事早空杼
柚有誰知

漫道星橋徹夕行漢津波浪恐難平銀潢只見填烏鵲壯士何

年行洗兵

鐵樓高處傍天墀七孔穿成巧不移但恐機絲虛夜月昆明秋
冷漢家池

又和中秋感懷原韻

三載羲娥下阪輪炎州回首劇傷神招魂一慟登臨地

已亥中秋與公

及關滋圃同登虎門礮臺望月今不堪回首矣

投老相看坎壈人玉宇瓊樓寒舊夢冰

天雪窖著閒身麻姑若道東溟事莫使重揚海上塵

雪月天山皎夜光邊聲慣聽唱伊涼孤邨白酒愁無賴隔院紅

裙樂未央宦味思之真爛熟詩情老去轉猖狂遐荒今得連牀

話豈似青蠅弔仲翔

嶰筠以詩贈樞兒樞兒有和余亦次韻奉謝

公家庭列五花驄

公子五人

尙愛驅雞飯犢童蘭砌肯容凡卉伍松

岑卻許異苔同苟陳敢擬星辰聚孔李相期水乳融但得新宮
銘共草謫居何事枉書空

又次病起原韻

三彭二豎謬爭羸推枕依然卻杖行前度呻吟悲白首蚤時肥
瘠共蒼生安心勝覓壺公藥歸老長追洛社英不礙煙霞成錮
疾故山歌歉答

承平

○送嶰筠

賜環東歸

得脫穹廬似脫圍一鞭先著喜公歸
白頭到此同休戚青史憑誰定
是非漫道識途仍驥伏都從遼渚羨鴻飛
天山古雪成秋水替浣勞臣短後衣

回首滄溟共淚痕雷霆雨露總

君恩魂招精衛曾忘死病起維摩此告存
歧路又歧空有感客中送客轉無言
玉堂應是迴翔地不僅生還入玉門

送鄧子期隨侍入關

我昔未識君誦君應舉文謂當脫穎出
冀北空其羣誰知失齊韓陳見徒使嗟劉蕡
蹉跎幾寒暑筆硯吾欲焚况遭時事難

渤愁蠻氛莊椿度沙漠隨侍資君勤男兒重晨昏科名安足云
塵沙面目黧冰雪手足皸侍疾不解帶當暑驅蠅蚊老翁霍然
起加飯強腰筋但得奉色笑絕塞猶欣欣我時共淪謫捧襪情
懷殷終朝託豪素半載聯屐裙猥有豚犬隨奈此豬龍分難禁
羨懷祖况慚非右軍昨轉金雞報

天意三沐薰喜公從入關護起山東雲作忠在移孝令名垂無
垠不見方敏恪始困終成勲桐城方敏恪公少隨父戍君家盛五桂一一香
披芸在陰和鳴鶴九皋

天應聞臨歧重執手願言頌清芬君看海波靖瑞氣方氤氲

送文一飛河帥

文冲

入關歸養

崑崙小閣望慈雲

君於伊江
建此閣

帝鑒烏私許上聞不費解驂歸越石先從隔幔慰宣文

太夫人
在京師

幾人謫宦能將母此去娛親要報

君護自忘憂葵捧日東山合起故將軍

頻歲宣房屢負薪可知前事不由人忠宜補過先防口志在安

危豈愛身悟到折肱功更進

君善
醫

鍊成繞指用初神

精刀劍
諸術

天

涯同是傷心侶目送歸鴻淚滿巾

舟兒初舉一男詩以示之

但喜子生子休論才不才家書萬里至懷抱一時開憶我方稱

艾看兒賦標梅旌幢建吳苑車馬逐蘇臺吉日三商過流年一

紀催投懷遲入燕占夢笑維虺星小聊添籊風高欲祀祿轉將

難弟讓先作冢孫推

前歲彝兒先得子爲余長孫

喜是年仍壯兼之性尙孩

三清簪筆久一索弄璋纔花信春光半桐枝晚歲培挽鬢吾可

待執手汝先咳

兒乞余名余令其先擬命之曰鴻鵠

比玉看成珎聯珠更有胎天

涯如一室歡倒屣銜盃

舟兒妾生子

萱幃盼爾茁蘭馨伴月謀添一小星先後同欣懷六甲冬春連

報見雙丁側生果熟成嘉樹傍出泉清助大溟三秀都從秦地

得

命名臻品謂至泰三口也

蓮峯玉井感鍾靈

壽嶰翁七十

微垣星彩耀弧南按部纔停隴右驂壽者相兼全福五老成人
仰達尊三花從澹處留香久果爲酸餘得味甘東望玉關雲氣
聚金城行省駐彭聃

鑾坡奏賦早騰聲出守猶叨與鑑衡

公前出守猶分校近臣覆奏然後改

派禮闈

命廿載封圻江海遍三山旌節里門榮

公家金陵曾拜兩江總督之命殊榮莫娘

花閒蠶尾新詞豔燈下蠅頭妙楷成都訝溫公年齒少誰知先
我十年生

早擬金甌佇作霖折磨轉使道根深澄波難挹汪汪度止水長
懷翼翼心萼浦秋風思縱切桑田零雨駕頻臨

時奉命治墾田

蘭階

又被

新恩渥鳳正朝陽鶴在陰

長君小筠太史新授湘南典郡

驩離悲合溯勞蹤自送公歸歲再冬雨露雷霆

恩並感塵沙冰雪路相從祇今西塞餘孤鶴卻喜南陽起臥龍
二十三科前輩少瓊林惟祝宴重逢

又和見懷原韻

曩者使南越謬思分

主憂感公海水誓

余未至粵公貽手書云所不同心者有如海

但愧才難侔宣諭以

恩信納款馴豪酋差幸

國體肅奚暇爲身謀九龍偶反覆伏之如蜉蝣誰知金底魂倏
作空中游鮑莊終失智賈胡空復留須臾海水飛變幻風中漚

已乏決勝策安敢排衆咻簡書赴東浙聊復馳鈴騶荷戈指天
山聞赦當邗溝暫免萬里行負薪塞黃流公時出玉關謂我風
帆收後塵匪云隔友聲還可求公來未期月我亦同荒陬轉喜
雲龍隨青唱關山愁我病入肝肺公病幸卽瘳去秋卻杖起怡
報烏白頭卽擬歸秣陵築室名三休除書

九重出

恩渥難爲酬東轍未及浣四牡仍西州雍梁實重鎮以公扼其
喉邊庭甫親歷布政誠優優人言再開府姓字留金甌我知巖
谷心此際方夷猶尺素示微意尊鱸當及秋我身雖萍浮夢見
白鷺洲奮飛傍公側莫訝江干鷗

東全小汀 全慶

蓬山儔侶賦西征累月邊庭並轡行

時同使回疆議墾田事

荒磧長驅回

鶻馬驚沙亂撲曼胡纓但期繡隴成千頃敢憚鋒車歷八城丈
室維摩雖示疾御風仍喜往來輕

頻年遷客戍輪臺何意輜軒使節陪歸夢未逢生馬角游蹤翻
得遍龍堆頭銜笑被旁人問齒讓慚叨首座推縱許生還吾老
矣看君勛業耀三台

題山水絕句爲布子謙將軍

布彥泰

澹煙籠水綠楊灣雨後青浮隔岸山樹底誰家結茅屋得魚沽
酒掉船還

疏林鴉立露山邨
曲磴蒼苔印屐痕
欲訪種松高士宅
碧雲黃葉不知門

松風謾謾溜泠泠
細草微黃老樹青
尋到斷崖泉落處
有人石上倚雲聽

薄靄遮山石徑荒
園林昨夜半凝霜
憑欄愛看丹楓豔
小閣捲簾留夕陽

又題花卉絕句

瑤臺春暖露華溥
繡幕圍香錦作團
猶有新葩含未放
神仙富貴後來看

牡丹

天香浮動洞庭波
金粟前身記大羅
更聽紫雲歌一曲
廣寒宮

裏借秋多

桂花翦秋羅

垂垂纓絡影交加翠幄銀旛護紫霞難得國香成伴侶素心晨

夕與天涯

藤花蘭

老圃經霜豔不凋白衣攜酒遠相招誰知解組陶彭澤採向東

籬也折腰

菊花

乙巳正月送黃壺舟

入關

謫居已是六旬人歸去依然矍鑠身天意終憐清白吏使君真

作太平民

君籍太平縣

瓜期許減經年戍柳色先舒隔歲春

去臘立春前奉

恩旨

但仗東風披拂力肯教霜鬢老邊塵

壺舟以前後放言詩寄示奉次二首

將羞盟笑羈臣此日中原正患貧鴻集未聞安草澤鵲聲疑
到天津紛看絹樹登華轂恐少緇流度羽巾時有以僧道度牒爲籌畫經費

計海外蜨飛長不返問誰夜氣識金銀

狂魔枉向病身加肯與穿墉競鼠牙古井無波恬一勺歧途有
客誤三叉帶圍屢減腰仍瘦筍束成堆眼已花索書者多苦無以應何日
穹廬能解脫寶刀盼上短轅車

次韻寄酬高樺菴

步月

頻年蓬梗逐飄風歎息魚勞尾已紅行役未能辭老病知交猶
爲計窮通羈臣奉使原非分

明詔籌邊要至公多謝贈言勤慰藉此身同是雪泥鴻

梁園舊種百城花魁首文章溯起家君以關中省元為中州令尹十載河防

逢小劫一麾郡秩悵虛加君久任下南丞以記曾東障循前軌防河工加秩太守

仍賦西行訪古槎余曾襄役東河痛哭王尊今宿草久懸揆席未

宣麻思君同里王文恪公

回疆竹枝詞二十四首

別語拔爾回部第一世祖教初開曾向中華款塞來和卓運終三十世

至瑪哈墨特止

天朝關地置輪臺

欲祝阿林歲事豐終年不雨卻宜風亂吹戈壁龍沙起桃花

開分外紅

不解芸鋤不糞田一經撒種便由天幸多曠土憑人擇歇兩年
來種一年

字名哈特勢橫斜點畫雖成尙可加廿九字頭都解識便矜文

雅號毛喇

官文作莫
洛讀平聲

歸化於今九十秋憐他人紀未全脩如何貴到阿奇木猶有同

宗阿葛抽

阿奇木
之妻也

金穀都從地窖埋空囊枵腹不輕開阿南普作巴郎普積久難

尋避債臺

借債者毋錢謂之阿南
普子錢謂之巴郎普

把齋須待見星餐經卷同繙普魯干新月如鉤纔入則愛伊諦

會萬人歡

不從土偶折腰肢長跼空中納禍茲何獨叩頭麻乍爾長竿高
掛馬牛釐

亢牛婁鬼四星期城市喧闐八柵時五十二番成一歲是何月
日不曾知

城角高臺廣樂張律諸夷則少宮商葦籥八孔胡琴四節拍都
隨擊鼓鏗

廈屋雖成片瓦無兩頭棖桷總平鋪天窗開處名通溜穴洞偏
工作壁櫨

亦有高樓百尺誇四圍多被白楊遮圓形愛學宮廬樣石粉圍
成滿壁花

準夷當日恣侵漁，騎馬人來直造廬。
窮戶僅開三尺竇，至今依舊小門閭。

邨落齊開百子塘，泉清樹密好尋涼。
奈他頭上仍氈毳，一任淋漓汗似漿。

豚彘由來不入筵，割牲須見血毛鮮。
稻粱蔬果成抓飯，和入羊脂味總羶。

葵蕞纔肥杏又黃，甜瓜沙棗亦餽糧。
邨邨絕少炊煙起，冷餅盈懷喚作饜。

宗親多半結絲蘿，數尺紅絲散髮拖。
新帕蓋頭扶上馬，巴郎今夕捉秧哥。

河魚有疾問誰醫掘地通泉作小池坦腹兒童教偃臥臍中汨

赤腳經冬本耐寒四時偏不脫皮冠更饒數丈纏頭布留待纏
尸不蓋棺

樹窩隨處產胡桐天與嚴寒作火烘務恰克中燒不盡燎原野
火入宵紅

小樣葫蘆鑿竅勻燒煙通水號麒麟嬌童合喚麒麟契吹吸能
供客數人

柳樹流泉似建瓴求泉排日諷番經便如割答祈風雨齊術惟
推兩事靈

荒程迢遞阻沙灘暑月征途欲息難卻賴回官安亮噶華人錯
喚作闐干

關內惟聞說教門如今回部歷轡軒八城外有回城處哈密伊
犁吐魯番

雲左山房詩鈔卷七終

雲左山房詩鈔卷八

卷八

侯官林則徐少穆

乙巳子月六日伊吾旅次被

命回京以四五品京堂用紀

恩述懷

飄泊天涯未死身

君恩曲貸荷戈人放歸已是餘生幸起廢難酬

再造仁一唱刀環悲白髮重來

輦轂戀紅塵枯根也遇陽回候會見金門浩蕩春

浹歲鋒車徧十城

舊冬奉

命履勘回疆八城開墾地故

花

門勢面馬前迎羈臣幾見膺星使清秩頻慚附月卿

道光丙戌在籍居憂

蒙恩以三品卿視離兩淮懇辭未赴辛丑罷粵督任復蒙以四品卿赴浙東至是凡

昇京堂者三益滋感悚雨

露雷霆皆

聖澤關山冰雪此歸程銜

恩正對輪臺月照見征袍老淚傾

大樹營門禮數寬將軍揖客有南冠非徒范叔綈袍贈不待馮

驩劍鉞彈夙世因緣成締合一心推挽愧衰殘格登山色伊江

水回首依依勒馬看

寓公家室問蒼茫笑指新豐似故鄉

眷屬寓西安三載餘矣

頻附音書煩

北海

李石梧中丞

曾同憂患憶南陽

鄧嶠筠前輩

門牆沆瀣雲情重

眷屬在陝

多承及門方仲鴻劉鑑
泉兩觀察解推之誼
兒女糟糠絮語長準備椒盤謀餞歲屠
蘇偏合老先嘗

次韻嶢筠喜余入關見寄

田屯塞下稻分秬萬里窮邊似一家

使命驚聞來雪窖謫居曾許泛星槎雞竿正及三年戍馬角應
憐兩鬢華還向春明尋舊侶巢痕回首感搏沙

暫膺假節又隨君左右居然兩陝分攘臂應嗤老馮婦棄繻或
識舊終軍清陰最喜秦中樹幻態剛愁隴上雲何日初衣俱釋
負滄江雙槳逐鷗羣

方濂舫太守

士途

聞余入關見寄次韻答之

輪蹄未息鬢先斑始願惟期入玉關垂老重嗤鮎上竹報

恩恐負雀銜環三邊到處都留月萬里歸來飽看山漫記泥痕
鴻爪在倦飛早似鳥知還

次韻宗滌樓見寄

頻年息影學無懷敢望回甘蔗境佳假節承

恩驚度隴

時僕甫入關奉命權督陝甘

籌戎乏策愧平淮難防吏舍穿墉鼠

誰縱邨田祭獸豺安得五丁開道路

年來番賊多出蜀中竄至故云

雷霆一震

掃塵霾

次韻答蕭謙谷太守

元吉

最羨門庭積慶餘青臺早授五車書凌雲綵筆騰金馬視日花

飄佩玉魚犀角早推梁棟器龍光直射斗牛墟潞公留守方居
洛玉尺經過昇筭輿

自慚遷地敢稱良飄泊頻年迹靡常得唱刀環無別望已成弩
末况非強西陲歎我還留滯南極知君應壽昌想見怡園郡署園名
公讌後一鑪燕寢正凝香

槎河山莊圖劉燕庭廉訪喜海屬題

莊在東武九仙山之麓東坡云九仙山有二在東武者
奇秀不減雁宕是也劉文正公會大父西溪農部別墅
在焉文正公嘗讀書其中之錦秋亭圖爲唐鍊東岱作
王麓臺題劉文清公有詩五首并序書於卷首

舊傳海上多仙山虛無明滅窮躋攀誰知九仙在東武仙家窟
宅留人閒槎河之槎仙所繫陰崖茆屋相迴環錦秋亭前讀書
處古木蔥鬱蒼苔斑山中宰相本仙種出山高壓羣仙班當其
徜徉弄雲水逕欲長臥深林灣眞靈位業

帝所眷肯使稷契投寬閒朝陽鳴鳳在陰鶴世有霖雨敷塵寰
故山頗恐猿鶴怨欲尋畫裏扁舟還作詩徵題付來許歸夢長
結雲松關我家亦鄰九仙側閩中亦有九仙山常見玉女披煙鬟在山
清泉洗我耳至今猶似聆浹潺披圖自嘅歸未得空使山靈詈

我頑

曹丹山杰屬題詩集

雙溪明月舊吟身
匹馬關山句又新
埽盡鉛華見風骨
悲歌狂嘯總天真

游蹤應笑住非住
吟草何論存不存
悟徹隴頭雲水活
底須留取雪泥痕

自名其集曰存不存彙

姜海珊大令以余游華山詩裝成長卷屬題

真恐山靈笑我頑
白頭持節竟生還
煩君玉女峯頭問
可有移文到北山

巖棲上人以詩求題率成與之

聞道吳剛舊締緣
曾脩月斧廣寒天

詩中多吳和甫學使評語并題詞

吾衰退

盡生花筆慚負推敲賈浪仙

前宵吟侶集衙齋四韻分題各寫懷最是寒鐘清楚夢枕邊詩

味得來佳

昨課五華諸生以寒鐘等題分詠上人見而有作余賞其詩味枕邊回之句

烈婦王孺人殉節題句

摩笄山賢姬死千載風徽照青史不謂遼室之中亦有此我爲

作歌謚諸君子

一解

婉婉弱息產於龍番幼事寡母以孝聞三黨

稱之皆曰淑媛

二解

侍謫仙挹風雅萬里提攜入日下女君已逝

惟小君注硯薰衣足瀟灑逮事太夫人禮儀無違者

三解

侍使節

莅旬吳襄內政忘勤劬東坡暴下不可診矣以身代之神未允

矣玉棺旣降血淚盡矣以身從之乃熊經而殞矣

四解

大吏聞之

請

旌如律輝輝綽楔留南國巾幗之光閨門之式

五解

昆華百舍魂

歸來兮藏於同兆佳城開兮小星有曜長流光於夜臺兮

六解

寫韻樓拜楊文憲公像

伏闕批鱗再瀕死杖血未乾行萬里尙餘小築對蒼山長奉真

形照青史翩翩公子溯新都蚤歲才名重桂湖

桂湖在新都城內先生少日讀

書黃葉吟邀詩老賞

先生垂髫賦黃葉詩爲季茶陵所賞

青苔句博相公娛先生七歲

游古戰場文有曰青樓斷紅粉之魂

典墳賅洽時無匹科目文

章俱第一舊史星文答帝咨

武宗閱天文書星名注張又作汪張問史館及欽天監皆莫知先生

曰柳星也歷引周禮史漢書以復

先皇實錄資臣筆

武宗實錄出先生手

無何大禮議朝

堂阿旨希榮鄙桂張養士士能甘竄殛

先生伏闕時宣言曰國家養士百五十年仗節

死義正辭親親亦罷平章時文忠議大禮封還御批者四荷戟

初來金齒衛未忘君國匡扶計尋旬櫟槍從削平先生至滇值

作亂率僮僕以步卒百餘尋旬安銓等威州楊柳空搖曳今樓上屏間刊垂

擊敗之述其事作惡氛行柳篇乃先生過楚

雄作也錦衣豎子嫉如仇三十餘年瘴海留馬角非無天語問蛾

眉難脫細人謀先生在滇世宗每問楊某作何狀近臣以老病

對先生有句云選謫本非明主意網羅巧中細

人自知不作刀鏹唱醉墨淋漓聊自放胡粉蠻花恣冶遊鳳亭

魚穴隨供養趙州王參議館先生於鳳儀山上築亭曰鳳碧曉

精舍海莊居先生先生在昆明城西高曉山下構海莊題墨洗方池

為著書安甯州有先碧玉泉溫春浴後遙岑樓倚晚涼初安甯

泉先生額為天下第一泉其上有碧玉樓改名仰翁樓又王白

菴太守於安甯城東建遙岑樓為先生講學之所文忠謝以詩

日寄謝安甯賢太守
遙岑新建慰吾兒
况復葉榆多勝友海光禪室停裝久感通

緣締無極僧

感通寺在此樓後僧無極卓錫之所明太祖贈詩十八章鐫於山門先生慕無極道行嘗於點蒼山

游記中

轉注義商覺林叟

大理郡人李太守元陽自號中溪覺林居士乃與先生商推六書轉注於

此樓者

自署頭銜作老顛丹鉛萬卷遺殘年憑欄把袂同觀海對

酒悲歌欲問天我知遺謫關天意要與南人益才智公恕能諧

中土音

夷酋木公恕從先生學詩先生錄其詩百十四首曰雪山詩選土司之詩傳於中土自此始

禺山合

作詩臺記

永昌人張禺山含先生詩友也築詩臺於保山城西先生顏而記之

不然蒙段僅荒夷

風雅何人解主持差同僭耳蘇和仲便擬潮陽韓退之又聞樵

鹽與濬海弊政胥因片言改

先生議罷安甯鹽牛稅又罷濬海丁夫滇人咸之

風徽追

仰三百年

先生歿於嘉靖三十八年距今二百九十年矣

俎豆宜延億千載我亦投荒

未死身重來持節沐

皇仁遭逢相較真逾分學業無成愧問津西南近喜么麼邊歸

路登樓拜遺像洱海長虹天半垂班山初月林梢上知有英靈

駐此中肯將勝蹟委蒿蓬重新宋桷須吾輩

英齋觀察與同人鳩工庀材重脩此

樓

好燕旃檀禮寓公昔從鉅集瞻風貌

先生集端皆有像

今之畫圖亦

維肖雪鬢霜髭寫旅愁芒屨竹杖添詩料被髮何時下大荒魂

兮來止足徜徉彩雲城郭長無恙明月關山休斷腸

先生留滇詩云彩雲

城郭那無迹黑水波濤亦有神又腸

斷關山明月樓卽垂柳篇中句也

和孫梧江學使

鍾淮

九隆山翠鎖重重蠻俗難馴舊段蒙媿乏龍韜據勝竿翻叨

鳳綵獎邊功頻年芽葉期除莠半載馳驅笑轉蓬臣力就衰
天寵渥感

恩長此惕微躬

憶昨籌戎荷指南驛亭官燭夜深談司籤喜見攜銀鹿折柬先
勞騁玉驂幸滌蘭滄新浪淨待懸藻鑑曙光涵者番重過龍泉
地憑仗詩禪八景參

彌勒縣龍泉寺有葉毅菴汪雲
壑顧南雅諸前輩八景詩翰

和吳清如主政

嘉淦

見賀五律二首

舞羽頑難格張弧檄始傳蠻天開壁壘瘴雨洗戈鋌
恩寵慚加秩衰遲合避賢白頭影孔翠笑倒晚花嫣

瀾滄江外路戰骨積年寒此日鋤非種吾民悔異端敢誇新冕

服曾褫舊鉤聲陳迹難蟲似憑君白眼看

題項易菴山水卷

墨林惜墨學雲林抱硯文孫趣更深紙尾漫云宗祕習祖庭還

遜妙明心

往見子京畫卷有孫男聖暮永保祕習八字小楷卽易菴筆也以畫品論實駕墨林之上作此畫時年三十有

五

朗雲

易菴集名

新唱喜留題那復青錢付小奚

香光嘗言墨林書畫並佳而題語多累有

乞其畫者先以青錢遺小童請爲免

題然則易菴題詠可謂冰寒於水矣

岷雪從子 牆東 從孫 傳墨

妙好山都在范湖西

戊申臘月十九日滇中節署招同人作坡公生日

宋家玉斧臨邊畫惜公未作直蘭客豈知靈爽周八荒肯使昆

華絕行迹文人到處爲公壽直欲公身化爲百我從益部占星
文獨信公神此來格不聞莊蹻略地時巴蜀滇黔同版籍金沙
江接芙蓉溪老君曾度青神驛但駕我眉一片雲飲馬滇池眞
頃刻諸葛屯軍壁壘存子淵奉使碑銘勒各有因緣留此閒公
來把袂非岑寂彩雲城郭冬不冰山茶花紅玉梅白長松秀奪
劉景文佳茗芳逾王子立憶公中年觴赤壁鶴飛新曲來腰笛
我今正畜鶴一隻昨甫得雙白鶴鶴聲穿雲亦裂石憶公晚年
儋州謫換扇阿婆笑笠屐今摹公像倩閨媛不櫛婦姑推合璧
嚴比玉太守夫人王雲藍與詰嗣伯牙郡丞夫人汪綢霞合摹笠屐圖像眞一香斟藥玉船請公陶
然永今夕拜公公許文字飲八百年後陪前席羣公歡讌皆溫

克聯吟我愧難爲役萬里邊陲此會特盛事傳聞誇爨爨香
留此西南域一年一度如廟食恣公神遊洱海與蒼山豈徒左
右雙峯耀金碧

己酉上元後二日邀程晴峯同年廖韻樓前輩保紹庭刺
史李橋東楊平階兩明府萬壽寺看山茶花有作

滇中四時常見花經冬尤喜紅山茶奇觀首數塔密左

汎地樹名

大十圍花萬朵官齋安得寸根移但滌罍餅供折枝縱饒座上
編爛色那及園林爛漫姿東君不祕傾城豔春光盡許吾曹占
平生未惜馬蹏遙肯使城南花事欠昨宵小雨替清塵步履春
風正及晨禽語鉤輈催曙色花旛搖曳約詩人定光寺裏珊瑚枝

老可惜今年開不早菊瓣羣誇太極宮

太極宮亦在城南有樹三株花瓣似菊還

輸萬壽菴中好

菴卽在塔密左

小板橋西路幾彎牆頭先露半林殷初

疑日上樽桑麗旋訝霜侵楓樹丹須臾轉入摩尼殿赭色迷天

天不見火繖高張祇樹林頰珠遍照空王院花氣清當雨後天

朝曦初映倍鮮妍迸開新瓣濃於染擎出高枝爛欲然最宜佛

座東偏看銀海光搖紅不斷誰拋朱絹樹頭纏豈熾洪爐林下

煨花光遙撲碧雞關歎換燕支塞外山鶴頂投林翻覺淡鵲聲

嘯血枉留斑迴思火樹明前夕似有仙人向空擲天女淩虛散

作花轉教桃李無顏色江南我憶衆芳尋赤玉丹砂亦滿林梵

行寺有端明詠

寺在揚州

拙政園經祭酒吟

園在蘇州吳梅邨有山茶花歌

寶珠色

相猶輸此卻到邊陲歎觀止合將南詔號朱天不負行旂一萬里
醉劈雲牋字翦霞聊憑綺語寫穠華花神若與詩爭豔籠取
紅紗勝碧紗

送傅雪樵士珍宰武城

君本干霄姿鷲鳥中一鶚未及搏風翔十年一甌託需才會有
時大治精金躍蠹爾瀾滄西頻歲風波惡釁由累葉滋讐以分
類各七校紛爭雄九州鑄成錯始猶民相殘漸謂吏可弱長橋
歎斷渡纍囚擅解縛斯宜膏斧鑕敢緩礪鋒鏑所愧料敵疏安
得籌邊略君真古脩期戎冠駿驤著上馬琬戈橫下馬露布作
遂使勞面人羣慙歸簫勺事定仍拊循道路振木鐸

君恩重酬庸剖符許釋蹻謂茲絃歌邑鄒魯風如昨君誠學道
者庶與民偕樂平生康濟心每歎吏風薄及今身自爲誠求切
民瘼害馬亟屏除驅雞勿驚愕張弛猛與寬政刑簡而約得人
在訓士化豈不古若抗心希前賢神明譽奚忤慚我老病軀臨
歧悵離索願聞循吏績差挽末流虐他時海上鷗長盼雲中鶴

題趙秀峯

廷俊

太守春明餞別圖

鋒車西指蘭津渡萬疊巒山撲妖霧揭來小憩妙香城頗憶故

人隔雲樹下苑經過迹已疏金臺追餞亦模糊

義山寄同年詩
下苑經過勞想

像東門追
餞又差池

何期南詔風塵外卻見東華主客圖羨君脫繡歸榆

社蘭玉森森繼風雅膝前撰杖盡荀陳夢裏題襟况終賈我亦

同君賦鹿鳴回頭弱冠舊諸生
圖中人本春明侶記取嚶嚶求
友聲鬢眉老輩相輝映不數蘭
亭擅觴咏萬里依然履舄新
年猶想冠裳盛一鞭明日玉龍
關還望蒼山積翠閒但祝雲泉
人矍鑠永餐芝朮駐朱顏

題楊平階沃州歸餞圖

漫記分符入剡中宦情如夢太
匆匆飛鳧人喜來仙吏失馬天
偏誠塞翁與誦那憑官顯晦政
聲猶在淞西東君看雨漢循良
傳論定何須進退同

攀轅收涕轉歡呼一笑歸裝石
也無但使斯民懷直道底須吾
輩合時趨鼓枹卻是迴帆穩棋
斂非因換劫輸華岫煙霞昆海

月故鄉何止愛蓴鱸

卅載秋風沆瀣緣重逢把袂又三年卽今桃李顏非昔況我桑榆景自憐臥理未能應納節卜居無定且歸田披圖振觸分襟感白首臨歧倍黯然

題趙述園

光祖

橫琴待鶴圖

閱道焚香事告天琴心遙待引胎仙那須杜宇催歸喚早是情移指下絃

三年聯襪此邊城各唱驪駒宦篋輕雲絮飛揚休悵望四山還起萬松聲

伽藍寺見牡丹

石磴危泉抱曲欄四山雲撲寺門寒東風一夜春光透剛到花
朝見牡丹

輿緯

山行也學上灘舟牽挽因人不自由一綫割開雲徑曉千尋曳
入洞天秋漫疑負弩經巴蜀便當浮槎到女牛不爲絲繩留正
直此身誰致萬峯頭

相見坡

誰鑿三重岡亘此一長綫相去十里中行人屢謀面初如鮎竿
升漸學蟻磨旋每轉必數折一折輒百變乍登第一坡欲下劇
兢戰後望趾反高俯睨顙或顙中坡勢稍平溪橋閒堤堰左挹

右拍肩豁然顧盼便三坡妙結束屹立石如煉曲過嶺七盤巖
逾關四扇行久仍在坡往復疑有戀如擊常山蛇首尾互蜿蜒
更如繞樹鵲三市不知倦以此悟戎機連絡陣勢炫前茅及中
權後者賈勇殿儻作壁上觀巡列目不眩又悟佛說法慧照三
界徧了了去來因豈徒現在現普觀一切衆如夢如泡電嗟哉
羈旅客殊鄉復異縣參商分東西伯勞與飛燕憐爾不如坡坡
猶能相見

己酉九月自滇歸閩同人贈言惜別途中賦此答之

恩叨再造愧兼圻敢道抽簪學息機壯志不隨華髮改孱軀偏
與素心違霜侵病樹憐秋葉風勁邊城澹夕暉重鎮豈宜容臥

理乞身淚滿老臣衣

五華山接點蒼秋卅載鴻泥兩度留昔喜龍門騰士氣

謂己卯典試事

今勞虎旅破邊愁

迤西督師

濟艱幸仗同舟力定遠還資曲突謀莫

恃征西烽火息從來未雨合綢繆

此邦父老共忘形高會曾誇六百齡

今春與晴峯同年邀滇中耆舊脩禊會者八人合六

百有

二歲贈句韻聯新舊雨臨歧踵接短長亭鑄金敢聽爐香奉勒

石休磨盾墨銘但祝彩雲常現處文昌星映老人星

黃金時節別苴蘭爲感輿情忍涕難程緩不勞催馬足衰輕未

肯累豬肝膏肯或起生猶幸寵辱皆忘臥亦安獨有桐瘰仍在

抱憂時長結寸心丹

答姚春木寄懷原韻

雪窖投荒荷

賜環勞薪依舊逐塵寰籌邊乏策慚持節卻病無方合閉關敢
喜雁門踣漸復終愁虎旅技誰嫻歸田轉幸無田好豈必桑麻
十畝閒

憶別南樓越十春詩來喜我被

恩綸誰知按部青門日已是顏顏白髮人害馬縱經祛六詔噉

鴻猶記憫三秦多君新著潛夫論

謂近作續
運川米議

移粟江湖爲活民

袁午橋禮部

甲三

聞余乞疾寄贈依韻答之

星星短鬢笑勞人回首光陰下阪輪敢惜殘年思養拙難祛痼

雲左山房詩鈔

卷八

三

疾劇傷神安心屢愧承

溫詔

兩奉

恩旨

止足原非羨逸民辜負

皆令安心調理

君恩三十載况從絕塞起羈臣

除書頻忝姓名標自入關來未入

朝諍向蠻方開節鎮猶聞洋船逞天驕瀾滄昨歲鴟音革珠海
何年蜃氣消病榻呻吟憂未了殘燈孤枕警中宵

枉贈新詩字字清氣和溟海掣長鯨遙知晝日趨三殿逕欲迴
瀾障四瀛激宕聲情緣感事輪囷肝膽喜論兵吾衰才與官俱
退輸爾豪吟劍槩橫

身似閒僧退院初維摩丈室開跼蹐養痾只合頽然臥懷舊真

慚迹也疏但得支公憐病鶴肯同趙壹賦枯魚願君早擁南天
節或許相逢退食餘

次家嘯雲樹梅見贈韻

瀛壖有奇士才望重南金將種論勲遠儒門殖學深雄文騰劍
氣雅詠寫琴心猶抱隆中膝低徊梁父吟

相逢話疇昔感事愧曩臣瘴海頻年劫冰天萬里身膏肓此泉
石擾攘幾風塵憑仗紆籌策知君筆有神

和陶蓮生廷杰贈行原韻

敢道膏肓石與泉沈痾深恐悞籌邊顏顏合署三休叟病骨原
殊九轉仙飄泊身曾經絕域棲遲

恩許惜殘年儻云止足初衣遂卻是家無負郭田

西風匹馬別昆明叢桂留芳菊有英也觸故園三徑想欲尋孤
艇半篙撐名場回首升沈幻客路銷魂歲月更獨有停雲勞悵
望柴桑一老最關情

使君壁上早懸琴空谷頻年金玉音健步游行徵道力高懷跌
宕入詩心吟來妙句知無敵飲我醕醪匪自今訪戴未能徒太
息劍河爐岫隔雲岑

者番長作天涯別屬和猶慙意莫伸兩地葦鱸誰得味半生芻
狗悔重陳太沖早擬吟招隱王翰偏難許結鄰閩海黔山遙問
訊縱非聯襪也情親

題長恩書室

已酉歲暮寓南昌百花洲養痾鄰有以書來售者自言

本閩之平和人先世游江右遂家新昌焉莊姓名

肇麟

木生其字爲余溯各著述緣起便便然如數家珍迥非
洛陽西川各書賈所能彷彿余旣以長恩顏其室復題

一律於左

牙籤萬軸絕纖塵滿室芸香著此身奇籍早經銀鹿校元機更
養木雞馴謨觴傾處多知己古綆收來好度人試聽琳琅說金
籀瀉如瓶水口津津

百花洲春行追和錢文端公原韻

湖波濫濫漾銀塘水榭亭亭出粉牆
潑翠林巒涵鏡影踏青羅綺簇衣香
輕橈乍過游魚躍短檣斜分宿鷺藏
貽蕩春光游更好莫因消夏始招涼

沿隄屐齒印苔斑對客凭欄意態閒
蓮認宿根紅欲迸柳舒新眼綠難攀
疏櫺曲檻文人筆淺黛微波倩女顏
我在畫中連月住憑誰摹作米家山

蔡香祖大令

廷蘭

寄示海南雜著讀竟率題

君家瀕海習風濤涉險歸來氣亦豪
天許鴻文傳域外驚魂纔定亟拈毫

大化遙霑古越裳

君以乙未秋航海歸澎湖遭風飄至越南因紀其事

未通華語解文章

天朝才士來增重
鸞谷詩筒侑客觴

樵結爭迎互筆談
南交風土已深諳
回看渤海來時路
曾歷更程八十三

綯紆情致感異鄉
卻金仍自返空囊
早敘越石知清節
肯羨西都陸賈裝

歸尋驛路指中原
桂管滕州取次論
喜是倚閭人健在
爲言剪紙悞招魂

始信神州裨海環
總憑忠信歷人寰
瀛壖會有澄清日
憑仗紆籌靖百蠻

陳樸園大令

喬樞

屬題其尊人恭甫前輩鰲峯載筆圖

海內經師歎逝波
鄉邦文獻苦搜羅
匡劉未竟登朝業
何鄭俱休入室戈
神返隱屏生豈偶
編傳左海好非阿
者番歸訪金鼈岫
倍感前型教澤多

家薌溪孝廉

昌彝

母吳孺人一燈課讀圖

九死爭儒業
三生衍珞交
春暉懷績室
夜課記書巢
母範垂彤

管兒身識紫胞縱
遭懸磬竇肯使納楹拋
倚市謀交犴牽車議

欲浴臆虛書似葉井哭經成茅

薌溪幼時族老欲令舍業服賈孺人力爭不獲自投於井族眾

拯出之薌溪始得業儒

激切闡中志
研摩大雅交
宮牆瞻俎豆
儀器訪陶

匏孟晉須爲力
論癡那許嘲
范滂佳傳讀
表聖妙詞教

阿母親教學步

虛司空表

聖句也

偶倦夢先折將明
析正敲蟲吟催唧唧
雞唱雜膠膠

古本蓮翻朵心葩竹解苞遂盈九經庫盡飫百家肴樸學羣賢
讓名篇衆腕鈔方鳴文囿鳳待起墨池蛟歎息搖風木淒涼付
電泡機絲虛月下燈焰闇林梢經幔留韋逞身衣感孟郊行看
花誥錫親捧出螭坳

雲左山房詩鈔卷八終

雲左山房詩鈔

附卷

侯官林則徐少穆

曹儼笙相國師七十壽詩

首列班行冠百僚久承

恩禮

三朝韋平世業忠門啓韓范崇勳相錄標趨禁許乘都護馬綴
衣特賜侍中貂祇今薄海歌清晏五色卿雲在絳霄

黃山白嶽早鍾祥阿鳳清聲落九閭綺歲調羹詩有兆觸辰奪
錦賦生光長江日暖鯢鱗化

朵殿風高鸚鵡翼翔從此袖書盡中祕盡臣經濟始文章

回翔禁省荷榮遷磨角聲華重木天

帝識蘇瓌真有子人看李白本如仙
珊瑚結網收名士鐘鼓扶輪仰大賢
樓指星輶凡幾度冰壺朗澈玉衡懸

盛事陔南介壽卮重闌玕佩記當時
官書共促趨

朝駕子職翻違問寢私頻向江湖思
魏闕早看桓桓肅家祠登車便有激
清志萬里雲蓬一羽儀

洊歷華階禮數優周官六職試鴻猷
人倫自擅無雙品地位應居第一流
漢殿星辰依上相商巖霖雨契旁求
自從名姓金甌貯披拂春風到十洲

往年小醜警萑苻密運戎機協

廟謨兩翼車旂環赤縣百神雷雨拱黃圖星馳露布爭傳捷雲
偃靈臺早獻俘君爽保釐功不細坐行籌策奠中區

紫光復見畫圖新

睿藻親題賚老臣

天闕九重留覺相雲臺四七證前身采芝漫羨南山叟撰杖真
誇洛社人海內著英尊大耋壺中歲月紀恆春

丹華綠宇炳星雲

寶錄成書重策勳榮比桓生非藉古文如韓子信無羣翠毛影
傍金鑪絢雞舌香從粉署熏任子邀

恩真異數况兼桂苑有清芬

酬知報國兩難言桃李春官感舊恩敢爲良材收大匠差欣小草託清門頻年自悵青霄阻隔歲曾親絳帳溫每爲蒼生籌利弊燕臺風雪夜開尊

十年密勿掌綸扉朗曜奎躔傍

紫微書亥喬齡還矍鑠生申令旦有光輝羅家宅裏琪花滿謝傳庭前玉樹圍愧比李生工擬箇當筵一奏鶴南飛

潘雲浦封翁

奕傳

八十壽詩

金貂門第錦堂春嘉樹連雲蔭大椿八座起居延老福

三朝歲月養閒身公卿海內誇名父冠蓋江東祝壽人代是雍和翁矍鑠皓眉華髮畫圖新

雅與西湖有夙緣
雪泥鴻爪憶從前
重來就養居官閣
幾度尋春放畫船
衣鉢祖庭傳再世
梅檀香界話初禪
試吟桃李新陰句
未許於陵美獨專

愛日陳情

帝鑒之循陔重譜白華詩
教忠本自承庭誥
錫類端由荷

聖慈正爲

朝廷襄孝治
非關邱壑寄
遐思
怡顏忘卻彈冠貴
猶是滌衣扇枕時

謝草田荆共嘯歌
壙簾伯仲髮皤皤
大蘇得句聯坡潁
小阮娛親憩澗阿
虎阜登臨探勝蹟
鶴洲酬唱寫天和
饒他眞率耆英

會爭比天倫樂事多

茂才遷固蚤知名六十年來歲月更誰識香山老居士依然魯國舊諸生芹芳昔日思鸞噓棣萼前番賦鹿鳴佳話流傳徧吳會弟昂稽古荷殊榮

玉樹芝蘭雨露滋亭亭茁秀長孫枝早登祕省揮吟管暫返鄉園介壽后鏡裏芙蓉堪接蔭階前芍藥每題詩紀羣盛事人爭羨世掌絲綸在鳳池

四葉同堂世所稀壺天日永駐春暉飲筯手晉三升爵戲綵身披一品衣錄註長生仙有骨詩成自壽佛忘機桃花萬樹爭含笑環向尊前著錦緋

平生私淑仰金昆一瓣心香在德門未及追隨聯沆瀣卻因絡繹證淵源壽躔正見南弧曜高會欣開北海尊自愧天涯遠子舍望雲何以答椿萱

蒲城王定九協揆

鼎

七十壽詩

中和節啓樂熙臺

帝錫蕃釐壽讌開爛漫

天書光相鏡氤氲仙醴醑春杯函關雲氣瞻西極閣道星文炳上台杖國年高偏卻杖拜

恩剛自

講筵來

梁山華嶽早鍾英世業青箱舊有名槐樹生庭占列戟梅花得
句兆和羹觴辰射策摛金管簞節掄才握玉衡合與珂鄉傳盛
事蒲城相錄繼韓城

度支管領一星周更總雲司典爽鳩贊畫戎機心翼翼平章鈞
軸度休休師干攝職兼三輔節使巡行半九州四十年來中外
望濟時眞作巨川舟

文昌上宿本前身降卯剛宜二月春家慶已聞鳴和鶴

謂姑嗣登賢書

戎功曾見像圖麟

平定回疆紀功繪像

樓臺欲起仍無地藥石全捐若有

神指去年

復旦卿雲盈尺雪喜逢熟酉慶生申

寄和李石梧撫部癸卯文闈卽事原韻

三持文柄九能該

公甲午典蜀試乙未校禮闈旋視學粵東

此日賓興節府開地喜

鍾靈瞻太華場名選佛現如來八千人士搏鵬奮

是科多至八千二百餘人

百二關山候騎催元禮龍門今再覩豈徒身擅謫仙才

平時疾苦憫蒼生到此開顏問鑑衡雲水舊將雙眼洗蓬瀛新

結寸心盟聚來韋杜城南客題就慈恩塔上名奎璧光臨三五

夜粉廊聽徹盡秦聲

一麾天漢締初緣敷歷封圻恰五年

公戊戌典郡漢中壬寅開府全陝

愛士襟

期開廣廈憂時心事警吹鞭願教騏驎空羣出莫負夔蛇著意

憐揀取西京班馬筆銘勳留待勒燕然

秣陵三度棘闈中

壬辰甲午乙未江南文闈皆余監臨

猶記朱書押榜紅丹桂一

枝仍抱月白蓮千朵早搖風祇今雪窖孤蹤老卻聽霓裳舊詠
同憑仗金天擎砥柱河聲嶽色古來雄

李梅生公子

杭

秋捷再疊前韻爲賀

玉出荆山天網該

用子建語

珂庭瓊樹報花開剛從入水登賢後快

觀三湘送喜來淡墨標名門第貴泥金飛帖驛程催君家真有

魁三象早與安排鼎輔才

公子題名第三

丹穴歸昌肖所生靈鍾嶽麓接南衡握衣口授青臺籍問絹心
符白水盟公望公才人早器臣文臣筆

帝知名拜

恩合上焚香表已兆金坡玉佩聲

藥珠宮觀結仙緣，難得蜚騰在妙年。
犀角眼中看脫穎，龍頭地快加鞭。
硯傳祖澤成人泣，字記婆留大母憐。
此日北堂聞喜處，含飴馨膳倍欣然。

趨庭遙計入關中，好趁春韶踏軟紅。
定識登瀛輝蠟炬，待看升

座隔屏風，公山正禮應連舉。

次君亦應試

懷祖義之敢漫同。

乙未僕監臨文

闌亦於撒棘後得舟兒秋捷之信

兩世承

恩，皆特達薦文奚羨草元雄。

梅生公子聯捷南宮，選入詞館三疊前韻爲賀。

選造三升一氣，該金門射策爲君開洞庭。
秋月題詩後，朵殿祥雲唱第來。
青鎖家聲鼇背接，紅綾關宴馬蹏催。
筭班卻共雙松

茂夕秀朝華識楚才

是科楚產僕識四人君齒最少陳小旂在壯齡魏默深王子壽兩君則三十年來名

宿也

髫齡著論玉溪生弱冠傳文陸士衡茅巢宜占連步上芸香真

締夙心盟一封詔注南宮籍七曜躔符北斗名棖觸當年塗抹

事舊科十七忝虛聲

辛未至今十七科僕當時亦列二甲四名

家世登龍信有緣兩番燒尾恰辰年高岡翺鳳先舒翼空谷名

駒又著鞭譜系欣將佳話續才華肯受要津憐不因人爵脩天

爵仰繹

丹臺倍慄然

是科覆試

命題以

得人爵棄天爵示儆

正是觥稱絳幔中泥金帖暎綵衣紅起居八座如天福著作三

清有父風擁節頻教脩表謝連枝都許策名同方壺身到知非
小和句重覘筆陣雄

寄酬石梧相懷之作四疊前韻

十樣鸞牋衆妙該詩筒珍重浣薇開秋風鑠院重臨日舊雨陽
關疊唱來絕幕正愁書劍老寒衣仍付剪刀催何期天末懷人
句萬里傾心到不才

回首中原百感生導河籌海費肝衡琴瑟沈玉誰輸賦昧雉劄
羊屢請盟曾憶金隄襄保障謬思樓艦樹威名白頭潦倒雄心
退始悟聞雞是惡聲

長安西笑似前緣八口僑居已兩年杜曲桑麻看植杖灞橋楊

柳記停鞭豬肝累友原非分鹿脯療妻亦可憐
蔭得暍人依樾下薄雲高義此歸然

玉堂歸省恰秋中燭撤金蓮照眼紅鶴髮重幃長愛日龍門庶
士正傾風頻叨

手詔箕裘勉

公於梅生太史春捷館選兩表謝恩俱殊批獎助

豫擬頭銜節鉞同

喬木世臣真不忝伏雌安敢媿飛雄來詩有簪裾久接世臣風之語心甚愧之

寄酬梅生見贈五疊前韻

聖主籌邊智勇該新畬頻報塞垣開荷戈權作輜軒使負耒原
從隴畝來荒徼得蒙耕鑿利勞蹤敢憚簡書催詩人貽我瓊瑤
什紀事端資珥筆才

稂莠嘉禾不並生田萊區畫要平衡南東疆理思成憲帶礪提
封溯舊盟中外總期無曠土兵農何必有分名迢迢一片龍沙
路待聽扶犁叱犢聲

開闢真教悟夙緣只愁衰白是殘年虎頭舊日懷投筆馬腹而
今悔著鞭異類犬羊能向化窮邊鴻雁總堪憐鋒車過處喁喁
望勢面花門亦帖然

知君還到玉堂中九陌花開市地紅

帝籍正看耕禹甸邊屯也許入幽風降康長冀豐穰詠鳴盛咸
歌福祿同西域徧行三萬里斯游我亦浪稱雄

石梧復有寄六疊前韻答之

雪海冰山

化寓該風行回鶻八城開豈徒款塞稱賓服盡樂芸田詠子來
見說解刀牛欲買似聞布穀鳥先催羈臣猶荷皇華遣

聖世寬仁少棄才

白髮蕭蕭太瘦生棲遲惟戀舊蓬衡儻容病鶴孤山放準結閒
鷗淺渚盟學稼未成農已老當官豈羨稷爲名無端謬附屯田
使愧聽車鈴替戾聲

疊枉詩筒締墨緣雲泥見憶感頻年殷勤勸叱王尊馭衰朽慚
揮祖逖鞭穡事勉期臣力盡民依總荷

帝心憐勞薪畢竟成灰槁燭火餘光那復然

豐穰屢報羨關中積貯充盈窖粟紅四野膏濃苗仰雨兩年化
治草從風縱成塞下營田議難與岐西井地同垂穎鋪棗皆政
澤提封五馬久稱雄

石栢移撫吳中七疊前韻奉寄

繁會三吳政賦該記曾滌籀大藩開攀轅在昔留難住移節而
今喜再來詣

關觚稜前席接過江鉦鼓峭騁催東南半壁關

宸念簡擇端推閒出才

上籌

國計下民生酌劑難平燕雀衡危漏竟無終日計羹埋誰作指

天盟未遑積貯因輸賦競逐紛華爲務名敗絮笑將金玉飾仗
公實政黜虛聲

粃糠前度話因緣三仕江東憶十年未與噉鴻迴菜色難除害
馬愧蒲鞭連檣飛輓終無策比戶追呼劇可憐最是禾棉將熟
候別風淮雨聽淒然

春暉聞尙駐秦中舊部仍瞻宋幔紅南國棠移當夏日北堂萱
到待秋風禁中燕許家聲繼吳下周
文襄湯文正
制函歸掌握三江坐鎮總師雄
治績同屈指

石梧五十初度八疊前韻寄祝

仙佛前身福慧該登瀛十載節樓開方壺早擁祥雲住猗舫重

迎愛日來

公於吳門節署構竹屋日倚舫奉太夫人游賞

桐葉閨添知壽永

是年閏荷五月

花生晚借詩催

六月廿四日爲蓮花生日公早一旬

聲華籍盛年華富

天語親褒有數才

御批公疏有年富才明學優品正之語

玉筍峯高湖挺生芙蓉紫蓋應璣衡長庚入夢天人見太乙臨

壇水月盟粵蜀輜軒頻得士江淮草木盡知名湘東三管從頭

記金石猶聞擲地聲

吏事餘閒結墨緣不將絲竹遣中年簿書電掃無留牘輪挽星

馳似著鞭拔彊宗驚角折飄蓬舊侶感心憐白頭愧我邀青

眼每展緘題一覩然

春秋鼎盛日方中四代堂開戲綵紅萱閣歡增慈母壽蘭階榮

禦左山房詩鈔

附卷

十

接待臣風中和樂職三台耀位業真靈萬福同唱到南飛雲際
鶴節旄高擁大江雄

雲左山房詩餘

附卷

侯官林則徐少穆

賀新郎

題潘星齋畫梅團扇
顧南雅學士所作也

驛使曾來否正江南小橋晴雪一枝春透誰向故園新折取寄
作相思紅豆休錯怨丰姿清瘦數點花疏饒冷韻待宵闌獨鶴
來相守香雪海漫回首合歡扇在君懷袖最多情團團明月
邀來梅友不待巡檐頻索笑已共臞仙攜手且漫擬逃禪楊叟
南雅學士詩中
有此語故及之但按醉花陰一闕君有醉花陰詞
答人題畫梅作問幾生脩到
能消受紙帳底夢回後君又有畫
梅紙帳

念奴嬌

題潘星齋藤
花館填詞圖

綠陰庭院有垂垂，纓絡香風滿架枝。
一種芳情消不得，譜就吳歎。
親寫宿酒纔醒，疏簾半捲，新曲翻來乍。
么絃按否，還他明月，良夜。
更羨錦織迴文，軒題寫韻，一樣耽風雅。
笑拍吟肩，聯句出雙影，翩翩花下。
鏤月裁雲，偷聲減字，待繡香羅帕。
小紅低唱，隔簾鸚鵡，休罵。

買陂塘

題潘絃庭午年午月午時生詩冊

想前身兼脩仙佛，得來清福如許。
宮衣疊罷香羅雪，恰是郎君初度。
攜角黍，趁蒲酒酣餘，繫看紅絲縷。
階前玉樹，正夏日陰濃，薰風披拂，送入木天去。
怡情處，綵服翩翩起舞，對牀還共聽。
雨華年，慘綠雙連璧，秀絕紫芝眉宇。
推定數，有奇格安排，命坐。

三重午他時記取亥歲三公酉年曲蓋且喫懶殘芋

壺中天

題伊小沂江閣展書圖

江天空闊看滄波萬頃明月千里高閣憑欄開展卷洗眼幾重
雲水排闥青山打頭落葉都入狂吟裏風牀讀罷鉤簾宿鷺驚
起最憶文選樓前平山堂下少日趨庭地大塊文章憑付與
交徧過江名士手澤今留頭銜舊換仍戀青燈味廣陵官閣更
添多少吟思

百字令

乙未春蘇州定慧寺建蘇公祠落成適石士宗伯由浙還朝余與同人餞於祠中之嘯軒屬黃

穀原作雅集圖別後宗伯成長句見寄余未及和今歸道山令嗣淮生來索乃爲補題

吳門高會是髯仙去後重聯主客三百年來無此樂何減羽衣

吹笛散髻斜簪高歌舉琰醉埽千人石風流跌宕君身自是仙
骨今日粉本傳看比黃公壚下河山長隔爲問乘風歸去者
天上是何宮闕酒賦徒留賓筵竟渺俛仰空陳迹楓橋隱隱飛
來還見明月

金縷曲

題劉西堂驚
濤收釣圖

夙負凌雲氣更爭誇雙丁兩到奪標連轡弱水瀛洲違咫尺墜
落簿書叢裏看珠海汪洋無際綠綺調琴花作縣剎那閒羊角
中流起波浪惡乃如此收綸卻羨蒹蘆美算隨身書囊硯簏
辦裝容易穩坐青氈堪嘯傲載酒人多問字差勝似征帆馳駛
顧我風塵頻鞅掌望臨津何日扁舟艤題畫障動歸思

月華清

和鄧嶠筠尚書
沙角眺月原韻

穴底龍眠沙頭鷗靜鏡奩開出雲際萬里晴同獨喜素娥來此
認前身金粟飄香拚今夕羽衣扶醉無事更憑欄想望誰家秋
思憶逐承明隊裏正燭撒玉堂月明珠市鞅掌星馳爭比輓
塵風細問煙樓撞破何時怪燈影照他無睡宵霽念高寒玉宇
在長安里

附錄原詞

島列千螺舟橫萬鷁碧天朗照無際不到珠瀛那識玉盤如
此劃秋濤長劍催寒倚峭壁短簫吹醉前事似元規嘯詠那
時情思卻料通明殿裏怕下界雲迷蜃樓成市訴與瑤閭

今夕月華煙細泛深杯待喝蟾停聽畫角恐驚鮫睡秋霽正
三人對影不曾千里

喝火令

和嶠詞
前輩韻

院靜風簾捲篳疏月影捎閒拈新拍按瓊簫惹得隔牆眠柳齊
媚小蠻腰自關清涼界斜通宛轉橋家山休悵秣陵遙翦取
吳紈寫取舊煙梢喚取幽禽入畫對舞雲翹

附錄原詞

風細筠初脫雲輕葉慣捎小樓何處喚吹簫恰似青蛾翠袖
扶醉舞纖腰邀笛前時步垂楊舊日橋萬竿煙雨故山遙
一樣含漪一樣弄鳴梢一樣黃昏月下如雪鷺雙翹

自註云
廨東小

軒十笏脩篁一叢兀雨搖煙媚好可
念淪茗相對脩然有故園之思矣

高陽臺

和嶰筠
前輩韻

玉粟收餘

罌粟一名
蒼玉粟

金絲種後

呂宋煙草
曰金絲種

蕃航別有蠻煙雙管

橫陳何人對擁無眠不知呼吸成滋味愛挑燈夜永如年最堪
憐是一丸泥捐萬緡錢春雷歎破零丁穴笑蜃樓氣盡無復
灰然沙角臺高亂帆收向天邊浮槎漫許陪霓節看激波似鏡
長圓更應傳絕島重洋取次迴舫

附錄原詞

鴉度冥冥花飛片片春城何處輕煙膏膩銅盤枉猜繡榻閒
眠九微夜熱星星火誤瑤窗多少華年更那堪一道銀潢長

貸天錢 星槎恰到牽牛渚嘆十三樓上暝色淒然望斷紅
牆青鸞消息誰邊珊瑚網結千絲密乍收來萬斛珠圓指滄
波細雨歸帆明月歸舫

金縷曲

春暮和嶠筇
綬定城看花

絕塞春猶媚看芳郊清漪漾碧新蕪鋪翠一騎穿塵鞭影瘦夾
道綠楊煙膩聽陌上黃鸝聲碎杏雨梨雲紛滿樹更頻婆新染
朝霞醉聯袂去漫遊戲 謫居權作探花使忍輕拋韶光九十
番風廿四寒玉未消冰嶺雪毳幕偏聞花氣算脩了邊城春禊
怨綠愁紅成底事任花開花謝皆天意休問訊春歸未

又

寄黃
壺舟

淪落誰知已記相逢一鞍風雪題襟烏壘同作羈臣猶閒隔斜

月魂銷千里愛尺素傳來雙鯉爲道玉壺春買盡任狂歌醉臥

紅山新風勁處酒鱗起

來詩有風勁紅山起酒鱗之句余極賞之

烏絲闌寫清詞

美看千行珠璣流轉光盈蠻紙蘇室才吟殘臘句

承錄示坡公生日詩及和

余除夕之作君所居日步蘇室

瞬見綠陰如水春去也人猶居此襖盡生花江

管禿怕詩人漫作雲泥擬

君和余句云詩才無謫有雲泥讀之甚愧

今昔感一彈指

買陂塘

癸卯閏七月

記前番明河如練一雙星影纔渡者回真算天孫巧不待隔年

來聚誰作主任月帳雲屏再縮同心縷芻尼解事看兩度殷勤

毛衣禿盡填出舊時路

含情處脈脈一襟風露天涯振觸離

緒追歡早把芳時誤此夕匏瓜如故愁莫訴怕再上鍼樓又被
黃姑妬何時歸去盼白鶴重來玉笙吹破或與子喬遇

雲左山房試帖

附卷

侯官林則徐少穆

賦得好竹連山覺筍香

得山字

嗜筍偏成癖，簞簞未忍刪。
生機頻看竹，香氣覺連山。
節想龍孫抱，枝憑鳳尾攀。
驚雷芳意逗，過雨翠痕斑。
到眼雲千疊，歡心玉一班。
煙梢浮動處，風籟有無閒。
餐後休思肉，聞時合破顏。
客參禪悅否，試對此君閒。

賦得樹德務滋

得滋字

建樹須明德，脩途務在茲。
因材原必篤，有本莫如滋。
夜氣爭消長，冬心善護持。
懋哉誰邁種，勤止旣敷蓄。
智水根苗

卷之十一 詩中 四
茁情田灌溉施四時柯不改百穫穀能貽幹事推貞者芸
人笑舍其培成叨

聖澤廣運頌丕基

賦得一卷冰雪文

得文字

一卷名山業飄然謝俗氛瀟湘聊小隱冰雪此高文字挾
嚴棱起詞披密屑紛頭銜清寫照牙慧豔流芬壺滌生花
筆函排積絮紋凍痕敲楮認真味嚼梅聞縷繪冬心託聰
明淨界分何如

黿禁直灑翰徧煙雲

賦得文昌氣似珠

得珠字

紫極文昌曜中宵望氣燄六星光映斗一色貫成珠壁府
精芒射璇源的礫俱媚川雲漢倂照乘帝車扶摘豈龍淵
培穿應蟻磨趨胎光分月暈盤影轉天樞上將台躔應餘
輝列宿無璣衡欽

聖治呈瑞協珍符

賦得書名玉杯

得杯字

書味醕稱董名篇記玉杯其章追琢貴此義酌斟來言玷
磨應盡謨觴妙畢該一甌奇未借三雅祕誰開目醉琳琅
地心傾翹彙才殺青霏作屑浮白美於回入夢吞爻比銜
華樂聖推衢尊

天醴沃上

壽奉金罍

賦得卷簾燒燭看梅花

得簾字

窗前梅正放，休卻夜寒嚴。
欲照頻燒燭，相看試卷簾。
銅荷搖眼底，銀蒜動眉尖。
索笑橫波漾，披香夕燄添。
幾枝邀入座，一穗助巡檐。
鉤挂花魂定，燈挑酒力兼。
開疑延睇燕，光欲澹明蟾。
拚得西湖醉，冰姿信手拈。

賦得露似珍珠月似弓

得江字

月露高秋夜，凭欄俯大江。
珠光騰遠渚，弓勢湧奔淙。
仙掌纍如貫，波心射未降。
囊盛堆琲百，潭印訝弦雙。
潛窟鮫魃

誤疏林鳥夢樓瀉盤仙佩解激箭浪花撞滴瀝應還浦轉
環怡挂窗香山詩思在寒氣逼銀缸

賦得書味夜燈知

得燈字

誰共耽書癖熒熒夜一燈似知三昧永相對十年曾茹苦
清輝吐回甘樂趣增名山神鬼對老屋雨風仍料得生花
喜應無嚼蠟憎淺膏滋我愧同嗜讓君能破睡胸中在留
光眼底騰盎然清趣領脩錄悟傳僧

賦得石磴瀉紅泉

得紅字

潮聽泠泠響麻源路已通試攀巖磴碧怡瀉澗泉紅琴筑
千峯裏丹砂一噴中山門霏絳雪石罅漾晴虹絕壁驚捫

蘇飛流欲映楓澗泥成渥赭嗽玉染玲瓏豔奪霞標建濃
經旭景烘者番茶夢熟已隔輭塵風

賦得遠峯隱半規

得規字

南亭宵佇月峯遠得來遲霽色含千嶂棱痕隱半規遙青
排闥送微白隔雲窺蟾影刀頭露螺髻鏡底虧缺隨坡斷
續光逗樹參差倒印弦疑滿將昇魄未離彎環松徑度破
碎竹林篩看到團圓後層岑影又移

賦得敬實不求華

得誠字

應事俱崇實升禋更致精浮華徒外飾肅敬本中生尙質
陳明水居歆重太羹德馨昭降格神聽貴和平南瀾湘蘋

意西鄰滌菜情儻難符萃假莫漫告豐盛有廟歌匏爵于
郊異穆牲

齋心通肸蠭千福答

皇城

賦得吹萬羣方悅

得哉字

羣籟高秋入登臨亦快哉方千情共悅吹萬物因培清竅
憑虛發歡心應響來豫鳴調囊籥咸感暢埏埴扇喜揚仁
奉襟真挹爽開動之君子德樂只聖人孩大塊原噫氣馮
生合阜財

盛時敷雅化綏屢頌熙臺

賦得萬木無聲待雨來

得來字

萬木濃陰護雲容頃刻催不聞天籟響惟待雨聲來隔樹
紛鋪靄前山但殷雷圍青森野竹蔭綠靜庭槐美景消林
薄狂飊息水隈交柯無落葉繞屋絕飛埃急點跳珠未重
痕潑墨纔須臾農望慰

聖澤遍埏垓

賦得古硯微坳聚墨多

得多字

試墨宜佳硯淋漓手自磨古邀名士愛坳聚客卿多活眼
沈雙鵝旋紋注幾螺割雲開淺暈瀉露走圓渦點認紅絲
潤痕隨黑玉挖筆花濃著瀋燈影蘸生波妙製疑銅瓦奇

文稱白窠拈題寒夜詠微凍又輕呵

賦得一字拔人

得人字

一字非疏畧山公此拔人
士能登謬謬語不藉陳陳兩石
強甯挽千金價足珍
邀榮逾被袞行恕記書紳
增損懸門待推敲入座親
師尊齊已拜朋正漢童神
宏獎風流得評題月旦眞矧逢

軒鑒朗特達荷

恩新

賦得百穀權輿

得輿字

百穀奚資始欣當夏日舒作甘
惟稼穡得氣此權輿
蓺黍

盈堪累飛糠析豈虛錙銖籌糝粒輻輳趁新畝粟獻同操
量禾生祝滿車播曾歌俶載食不歎無餘恰秉灰良令應
占億秭儲農功欽

肇敏羣勸服疇初

賦得四時和謂之玉燭

得時字

浹寓游和氣咸欽

帝授時玉光符朗潤燭照驗

雍熙幹運虞環協昭融燧炬施測圭占正景燦斗準渾儀輯瑞
衡齊政調鈞火紀師坤珍原待闡離見本無私庇穀嘉祥
應燔柴禮祀宜式如瞻

聖度揚烈炳

昌期

賦得冬夏播琴

得琴字

西南嘉穀植冬夏土膏深生意疑吹律方言記播琴犁翻
流水調鍾響衆山音涼月寒畦佇薰風暑隴侵種黃桐計
茂眠綠稻連陰一撥農家譜三登爨下心成虧頻望歲解
阜合聞吟六氣調

虞軫綏豐愜

聖襟

賦得練迹按名

得官字

黜陟嚴三考循良勵庶官練餘成迹著拔彼令名難治效
宜臚實公評亦並觀戴星徵吏績仰雨證輿歡善最稽逾
密神明譽罔干心堪於水監口或有碑刊履憲同求愜絃
聲豈浪彈矧逢

垂拱日廉察法常殫

賦得并收勿幕

得收字

井爻居上吉時出豈淹留象異無禽舍功從勿幕收轆轤
歸腕底障翳揭泉頭掬月秋欄敞披雲夜甕浮瓶隨深處
挈綆任古來脩守器符頻調娛賓轄禁投九三偕用汲二
入竟飛流

睿藻宣義蘊

恩波溉被周

賦得民生在勤

得興字

宵旰求依切因循

詔示懲生之惟

德大勤止則民興勸士陰須惜明農粒各登日中通賈利月試
考工能作所思無逸持心懷有恆於嬉荒並戒克儉美同
稱象驗忘勞悅功求補拙增牧甯瞻

黼座醲化洽蒸蒸

賦得歲豐仍節儉

得仍字

盛世常崇儉豐饒未敢矜勸農民已裕節用

聖相承播穫新畝富輸將舊貫仍財惟均九式歲不侈三登去

汰原非吝持盈貴有恆倉箱歸實貯土木戒繁興總爲

知依切從教積慶增樸醕皆向

化長此應休徵

賦得冬日可愛

得和字

一樣瞳矐日經冬便足多天教寒者暖人愛氣之和但得

暄頻負無煩凜屢呵融毛憐昧谷晞髮趁陽阿眞覺溫如

續翻驚疾似梭行躔宜北陸畏景異南訛丹珥

皇朝瑞黃棉野老歌

離暉欽久照獻曝荷

恩波

賦得月傍九霄多

得秋字

何處多明月

皇都一色秋高懸霄漢路恰傍

帝王州上界諸天接清輝特地留

九重金闕啟三五玉輪浮法曲聆霓羽寒芒射斗牛影鋪閭闔
滿人訝廣寒遊萬里情雖共千潭景盡收少陵吟左省那

比直

螭頭